

Obilježena šesta godišnjica Panevropskog univerziteta „Apeiron“

Svečana akademija na Panevropskom univerzitetu „Apeiron“

Nije dovoljno da se rad i potencijal pokazuje samo sa jedne strane, traži se dobra volja i trud svih koji su uključeni u nastavno- naučni proces.

Pripremila: Mimesa Halilović

U Banja Luci je 14. februara u 13 časova održana šesta po redu godišnjica Panevropskog univerziteta „Apeiron“, kada je obilježen i Dan Srednjoškolskog centra Gemit-Apeiron. Ova godišnjica od izuzetnog je značaja za Univerzitet jer je preuzeta snažna inicijativa za djelovanje u svrhu snažnog poboljšanja naučnog segmenta. U sastavu fakuleta danas djeluje pet fakulteta, Naučno- istraživački institut, Univerzitetska biblioteka, Centar za izdavačku djelatnost sa produkcijom udžbenika, studentskog i naučno- istraživačkih časopisa, a u Srednjoškolskom centru tri srednje škole. Izuzetno se cijeni mladost i konstantno ulaže u profesionalizam za koji svaki pojedinac vjeruje da će dostići visok stepen razvoja. Na svečanosti je za goste upriličen adekvatan govor dobrodošlice, te muzički program na zadovoljstvo svih. Gostima su se obratili rektor Univerziteta „Apeiron“, dr. Dragan Danelišen i direktor Srednjoškolskog centra Gemit- Apeiron prof. Boško Banjac.

Rad u skladu sa evropskim vrijednosnim tokovima

Rektor Univerziteta, akademik prof. dr. sci. Dragan Danelišen je izjavio da svesrdno podržava kvalifikaciju ministra Kasipovića na: dobre i loše univerzitete i također izjavio da su sve aktivnosti Panevropskog univerziteta „Apeiron“ usmjerene da budu predstavnici ove prve grupe jer Univerzitet „Apeiron“ posjeduje vlastiti reprezentativan prostor, savremenu opremu i tehnologiju, digitalizovan Univerzitet,



Predsjednik Upravnog odbora, Darko Uremović, rektor Panevropskog univerziteta „Apeiron“, akademik prof. dr. Dragan Danelišen i direktor Srednjoškolskog centra Gemit- Apeiron, prof. Boško Banjac

respektabilan nastavnički kadar, moderan pristup nastavi, vlastita izdavačka djelatnost, studentski časopis, naučno- stručni Univerzitetski časopis, studentske kulturno- sportske aktivnosti, Naučno- istraživački institut, međunarodni i vlastiti projekti itd. koji su samo dio aktivnosti Univerziteta „Apeiron“. Konstantno se radi na poboljšanju rada Univerziteta da bi se studentima obezbijedio studij u skladu sa evropskim tokovima. Na ovaj način ne samo da se nastoji raditi u što boljem interesu studenata, već istovremeno je i želja da se nastavnom kadru pruži prilika da djeluje što profesionalnije i djelotvornije. Nije dovoljno da se rad i potencijal pokazuje samo sa jedne strane, traži se dobra volja i trud svih koji su uključeni u nastavno- naučni proces.

Učešće i aktivnost studenata iz cijele BiH

Također, u sklopu Univerziteta „Apeiron“ djeluje još pet fakulteta kao što smo spomenuli i to Fakultet poslovne ekonomije, Fakultet pravnih nauka, Fakultet zdravstvenih nauka, Fakultet sportskih nauka i Fakultet informacionih tehnologija sa 15 studijskih grupa, koje pohađaju mnogobrojni studenti iz cijele BiH. Na taj način se samom studiju daje jedan poseban dojam i utisak da se jednim snažnim djelovanjem i radom koji je planski osmišljen može postići mnogo. Ovaj dan je možemo slobodno reći trenutak u kojem je pokazano još jednom koliko se može postići i kakav je uspjeh obećan za one koji znaju kako da rade i nastoje



Direktor Panevropskog univerziteta "Apeiron", magistar Siniša Aleksić



Rektor Panevropskog univerziteta "Apeiron", akademik prof. dr. Dragan Danelišen



Direktor srednjoškolskog centra Gemit-Apeiron, prof. Boško Banjac

da ostvare svoje ciljeve. Obrazovanje je jasan temelj na kojem se može izgraditi budućnost koja će nam donijeti mnogo pozitivnosti i uspjeha. Ne uspjeha koji će trajati od danas do sutra već uspjeha koji će donijeti dobro mnogim generacijama dalje. Mladost je ona koja treba da shvati koliko je neophodno da se ponesemo jednim optimizmom i radom da bismo sutra mogli očekivati zauzvrat vrijednosti i dobro.

Efikasno savladavanje gradiva i praktičnih vještina

Ovo je ujedno i dan škole, dan SŠC „Gemit-Apeiron“ koji je uspješno upisao

Uspjeti se može ako se djeluje na temeljima znanja

Mladost je pokretač i osnova koju mnogi mogu i žele podržati, ali je za to neophodno da se pruži adekvatna aktivnost od strane mladih koji često traže mnogo, a daju veoma malo. Svjetlih primjera svakako ima mnogo i oni su znak da se može uspjeti samo ako se djeluje na temeljima znanja.

prvu generaciju đaka, školske 2008/ 2009 godine u škole: Ekonomska, Medicinska i Gimnazija (opšta i informatička) . Škola je opremljena sa modernim tehnologijama koje daci omogućavaju efikasnije savladavanje školskog gradiva te sticanje znanja i praktičnih vještina (laboratorije, informatički kabinet, biblioteka, kabinet za protetiku i mnogi drugi) . Direktor SŠC „ Gemit-Apeiron“ prof. Boško Banjac je izjavio da manji broj učenika u odjeljenjima implicira interaktivnu

nastavu te pruža mogućnost kreiranja savršene radne atmosfere. Ovdje postoji mogućnost da se uspostavi prisan odnos sa učenicima, iskrena i dobra saradnja sa njihovim roditeljima. Kako bi se sutra mladosti obezbijedila što veća aktivnost i uspjeh. Neophodno je sa mladima raditi konstantno još od ranih godina. Samo na taj način djelujući ujedinjeno i aktivno može se postići vrijednost. Mladima ostaje samo rad i zalaganje uz obećanu podršku.



Trenutak u kojem je pokazano još jednom koliko se može postići i kakav je uspjeh obećan za one koji znaju kako da rade i nastoje da ostvare svoje ciljeve